



Fylkesmannen i Hordaland

NORDHORDLAND OG GULEN IKS
Kjevikdalen
5956 Hundvin

Bergen, 6. april 2018

Sendt på e-post til: post@ngir.no

Dykkar ref.:
Erlend Kleiveland

Vår ref.(oppgi ved svar):
2014/11990
Sakshandsamar:
Hallvard Hageberg

Rapport frå inspeksjon ved NGIR Kjevikdalen - mottak og mellomlagring av farleg avfall

Kontrollnummer: 2018.074.I.FMHO

Kontaktpersonar ved inspeksjonen:

Frå verksemda:

Erlend Kleiveland, Ebba Fjeldstad,
Rune Ones, Roger Fjeldstad, Hans Rune Valle

Frå Fylkesmannen i Hordaland:

Hallvard Hageberg, Silje Tingstad

Resultat frå inspeksjonen

Denne rapporten gjeld resultatet frå inspeksjon ved NGIR Kjevikdalen - mottak og mellomlagring av farleg avfall den 15. februar 2018. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Hordaland avdekka 1 avvik under inspeksjonen innan følgjande tema:

- løyve

Avvik og merknader er nærare omtalte frå side 4 og utover i rapporten. Oppfølginga etter inspeksjonen er nærare omtalt på side 3.

Elektronisk dokumentert godkjenning, utan underskrift

Silje Tingstad
overingeniør

Nina Vadøy
overingeniør

Kopi til: Lindås kommune

1. Informasjon om den kontrollerte verksemda

Ansvarleg eining

Namn: NORDHORDLAND OG GULEN IKS	
Organisasjonsnr.: 974702568	Eigd av: 856167402
Bransjenr. (NACE-kode): 38.210 - Behandling og disponering av ikke-farlig avfall	

Kontrollert anlegg

Namn: NGIR Kjevikdalen - mottak og mellomagring av farlig avfall	Anleggsnr.: 1263.0039.01
Kommune: Lindås	Fylke: Hordaland
Anleggsaktivitet: Farlig avfall - mottak og mellomagring	
Løyve gitt: 19.05.2017	Sist endra: 19.09.2017

2. Bakgrunn for inspeksjonen

Inspeksjonen vart gjennomført for å kontrollere om gjeldande krav som er fastsette i eller med heimel i forureiningslova, vert overhaldne. Inspeksjonen inngår i Fylkesmannen sin aksjon for mottak og mellomagring av farleg avfall. Aksjonen er landsdekkande.

Tilsynet er gjennomført med heimel i forureiningslova § 48.

Inspeksjonstema

- Farleg avfall: deklarerering, journalføring, handtering, lagring, vidarelevering, finansiell sikring
- Utsleppskontroll
- Internkontroll: avvikssystem, risikovurdering, beredskap
- Løyve etter forureiningslova

Rapporten gjeld avvik og merknader som vart avdekka under inspeksjonen. Den gir ingen fullstendig tilstandsvurdering av miljøarbeidet eller miljøstatusen til verksemda.

Definisjonar

Avvik: Manglande etterleving av krav fastsette i eller med heimel i lov.

Merknad: Noko tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

3. Oppfølging etter inspeksjonen

Nordhordland og Gulen IKS pliktar å rette opp avvika som er omtalte i denne rapporten så snart som råd. For at Fylkesmannen skal kunne avslutte saka, ber vi om at Nordhordland og Gulen IKS innan 15. juni 2018 sender ei skriftleg utgreiing som viser korleis avvik er retta kva tiltak som er gjennomførde eller planlagde.

Vi ber om at de stiler svarbrev eller e-post (fmhopostmottak@fylkesmannen.no) til Fylkesmannen i Hordaland v/Hallvard Hageberg.

4. Vedtak om gebyr

Vi viser til informasjon og varsel om gebyr som vart gitt til verksemda munnleg den 15. februar 2018. Verksemdar skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar utan løyve etter forureiningslova er fastsette i forureiningsforskrifta §§ 39-7 og 39-8.

På bakgrunn av forventet ressursbruk må Nordhordland og Gulen IKS betale eit gebyr på kr 22 800,- for inspeksjonen, jf. forureiningsforskrifta §§ 39-7 og 39-8. Dette svarer til gebyrsats 2 for tilsyn som varer inntil ein dag. Miljødirektoratet vil sende faktura.

Fylkesmannen viser elles til forureiningsforskrifta kapittel 39 om innkrevjing av gebyr til statskassen.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Fylkesmannen i Hordaland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følge, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Hordaland (jf. offentleglova).

6. Avvik

Vi fann følgjande avvik under inspeksjonen:

Avvik 1

Verksemda stettar ikkje alle krava i løyvet

Avvik frå:

Utsleppsløyve av 19.05.2017 med endring av 19.09.2017:

- Punkt 3.5 om krav til tak og vegger
- punkt 4.1 om utslepp
- punkt 4.2 om utsleppsreduserande tiltak

Avfallsforskrifta kapittel 11 vedlegg 4 punkt 3

Kommentarar til regelverket:

Punkt 3.5 i løyvet om krav til tak og vegger

Behandling og handtering, inkludert lagring, av farleg avfall skal som eit minimum gå føre seg under tak og skjerma for ver og vind.

Punkt 4.1 i løyvet om utslepp

Reingjering av dekke, golv konteinrar og anna utstyr skal i størst mogleg grad utførast ved bruk av tørre metodar.

Utslepp til vatn frå innandørs avfallshandtering er ikkje tillate. Eventuell avrenning skal samlast opp, handterast og klassifiserast som avfall.

Avfallsforskrifta kapittel 11 vedlegg 4 punkt 3 slår fast at utslepp til vatn frå avfallshandtering er ikkje tillate.

Punkt 4.2 i løyvet om utsleppsreduserande tiltak

Eventuelt overvatn forureina med olje skal reinsast tilfredsstillande i oljeutskiljar eller tilsvarande reinseeining slik at utsleppsgrensa blir halden. Utsleppsgrensa er 5 mg/l.

Observasjonar observert under tilsynet:

Punkt 3.5 i løyvet om krav til tak og vegger

Noko farleg avfall lagra på IBC-kontainer kunne bli ståande utandørs i inntil to månader før henting. Arealet der konteinrane stod drenerte mot oljeutskiljar. Det vart opplyst under tilsynet at det skulle byggjast ny lagerhall, og at tilstanden derfor ikkje var permanent.

Punkt 4.1 i løyvet om utslepp

Golv i mottaksrommet for farleg avfall vart spylt for reingjering, men det blei også nytta tørre reingjeringsmetodar. I dette rommet var ei rist med avløp til oljeutskiljar. Denne rista var, etter ei nyleg gjennomført risikovurdering, dekket med ei gummimatte, som skulle hindra at spylevatn vart ført til oljeutskiljaren. Det blei sagt at det var svært sjeldan at dette rommet blei spylt, men operatøren som jobba der opplyste at han spylte dagleg.

Rett ved sida av mottaksrommet var det ei rist som vart brukt for å tømme oljerestar over på større einingar (IBC-konteinarar). Det var rist under dette rommet, og denne rista førte rett ned i eit oppsamlingskar som hadde avløp til oljeutskiljaren.

Det vart også opplyst under tilsynet av behaldarar som hadde vore farleg avfall på vart vaska med varmt vatn (steama), og at dette vatnet vart ført til oljeutskiljar.

Punkt 4.2 i løyvet om utsleppsreducerande tiltak

Under tilsynet vart det opplyst at konsentrasjonsgrensa for oljeutskiljaren var overskriden ved eitt tilfelle. Verksemda hadde tømt alle sandfang før oljeutskiljaren for å sjå om dette verka inn på prøveresultatet.

7. Andre tilhøve

Informasjon om handtering av vindauga som inneheld ftalat og asbest

Vindauga som ikkje er farleg avfall på grunn av innhald av PCB- eller klorparafin kan innehalde ftalat eller asbest (Thermopane-vindauga). Miljødirektoratet har i samband med aksjonen opplyst at dei på generelt grunnlag ikkje har tatt stilling til om desse vindauga er farleg avfall. Fugene vil ofte vere farleg avfall, men det er usikkert om heile vindauga er farleg avfall. Desse vindauga må likevel handterast forsvarleg. Dersom desse vindauga blir kasta i restavfallet vil vindaugget verta knust, og det vil vere fare for at karm og fuger kjem over grenseverdien for farleg avfall. I tillegg kan eksponeringsfaren for asbest auke. Slike vindauga skal derfor ikkje kastast i restavfallet, men leverast heile.

Informasjon om lagring av EE-avfall

Lagring av EE-avfall var ikkje tema under aksjonen. Vi vil likevel understreke at EE-avfall inkludert kvitevarer skal lagrast forsvarleg. For dette avfallet vil lagring på fast dekke og skjerming for vêr og vind normalt vere nødvendig. Lagring av avfallet må risikovurderast.

8. Dokumentunderlag

Lovgrunnlaget for inspeksjonen var:

- Lov om vern mot forurensninger og om avfall (forureiningslova) med underliggjande forskrifter
- Forskrift om gjenvinning og behandling av avfall (avfallsforskrifta)
- Forskrift om systematisk helse-, miljø- og sikkerhetsarbeid i virksomheter (internkontrollforskrifta)
- Løyve til verksemd etter forureiningslova frå Fylkesmannen